

高宗純皇帝實錄(六)

卷三八〇至卷四七九
乾隆十六年至十九年

清實錄

第一四冊

中華書局影印

清實錄第一四冊目錄

高宗純皇帝實錄(六)

卷三八〇	乾隆十六年正月上	一三四〇九
卷三八一	乾隆十六年正月下	一三四一九
卷三八二	乾隆十六年二月上	一三四三〇
卷三八三	乾隆十六年二月下	一三四四〇
卷三八四	乾隆十六年三月上	一三四五二
卷三八五	乾隆十六年三月下	一三四六二
卷三八六	乾隆十六年四月上	一三四七五
卷三八七	乾隆十六年四月下	一三四八七
卷三八八	乾隆十六年五月上	一三五〇〇
卷三八九	乾隆十六年五月下	一三五〇八
卷三九〇	乾隆十六年閏五月上	一三五二五
卷三九一	乾隆十六年閏五月下	一三五四〇
卷三九二	乾隆十六年六月上	一三五五四

卷三九三	乾隆十六年六月下	一三五六四
卷三九四	乾隆十六年七月上	一三五七六
卷三九五	乾隆十六年七月下	一三五九一
卷三九六	乾隆十六年八月上	一三六〇九
卷三九七	乾隆十六年八月下	一三六二一
卷三九八	乾隆十六年九月上	一三六三九
卷三九九	乾隆十六年九月下	一三六五三
卷四〇〇	乾隆十六年十月上	一三六六八
卷四〇一	乾隆十六年十月下	一三六七九
卷四〇二	乾隆十六年十一月上	一三六九二
卷四〇三	乾隆十六年十一月下	一三六九九
卷四〇四	乾隆十六年十二月上	一三七一二
卷四〇五	乾隆十六年十二月下	一三七二四
卷四〇六	乾隆十七年正月上	一三七三四
卷四〇七	乾隆十七年正月下	一三七四一
卷四〇八	乾隆十七年二月上	一三七五二
卷四〇九	乾隆十七年二月下	一三七六九

卷四一〇	乾隆十七年三月上	二三七七
卷四一一	乾隆十七年三月下	二三八五
卷四一二	乾隆十七年四月上	二七五九
卷四一三	乾隆十七年四月下	二八〇五
卷四一四	乾隆十七年五月上	二八二二
卷四一五	乾隆十七年五月下	二八三四
卷四一六	乾隆十七年六月上	二八五〇
卷四一七	乾隆十七年六月下	二八六五
卷四一八	乾隆十七年七月上	二八八〇
卷四一九	乾隆十七年七月下	二八九三
卷四二〇	乾隆十七年八月上	二九〇五
卷四二一	乾隆十七年八月下	二九一五
卷四二二	乾隆十七年九月上	二九二七
卷四二三	乾隆十七年九月下	二九三八
卷四二四	乾隆十七年十月上	二九五三
卷四二五	乾隆十七年十月下	二九六九
卷四二六	乾隆十七年十一月上	二九七九
卷四二七	乾隆十七年十一月下	一三九〇
卷四二八	乾隆十七年十二月上	一三九九
卷四二九	乾隆十七年十二月下	一四〇九
卷四三〇	乾隆十八年正月上	一四二六
卷四三一	乾隆十八年正月下	一四三四
卷四三二	乾隆十八年二月上	一四四七
卷四三三	乾隆十八年二月下	一四五七
卷四三四	乾隆十八年三月上	一四六九
卷四三五	乾隆十八年三月下	一四七九
卷四三六	乾隆十八年四月上	一四九三
卷四三七	乾隆十八年四月下	一四〇二
卷四三八	乾隆十八年五月上	一四一二
卷四三九	乾隆十八年五月下	一四二〇
卷四四〇	乾隆十八年六月上	一四三〇
卷四四一	乾隆十八年六月下	一四四五
卷四四二	乾隆十八年七月上	一四五六
卷四四三	乾隆十八年七月下	一四六八

卷四四四	乾隆十八年八月上	一四一八六
卷四四五	乾隆十八年八月下	一四一九八
卷四四六	乾隆十八年九月上	一四二二二
卷四四七	乾隆十八年九月下	一四二三〇
卷四四八	乾隆十八年十月上	一四二三五
卷四四九	乾隆十八年十月下	一四二五一
卷四五〇	乾隆十八年十一月上	一四二六六
卷四五一	乾隆十八年十一月下	一四二七八
卷四五二	乾隆十八年十二月上	一四二九四
卷四五三	乾隆十八年十二月下	一四三〇八
卷四五四	乾隆十九年正月上	一四三二三
卷四五五	乾隆十九年正月下	一四三三二
卷四五六	乾隆十九年二月上	一四三四三
卷四五七	乾隆十九年二月下	一四三五一
卷四五八	乾隆十九年三月上	一四三六〇
卷四五九	乾隆十九年三月下	一四三六八
卷四六〇	乾隆十九年四月上	一四三八〇
卷四六一	乾隆十九年四月下	一四三九二
卷四六二	乾隆十九年閏四月上	一四四〇二
卷四六三	乾隆十九年閏四月下	一四四一二
卷四六四	乾隆十九年五月上	一四四二二
卷四六五	乾隆十九年五月下	一四四三三
卷四六六	乾隆十九年六月上	一四四四五
卷四六七	乾隆十九年六月下	一四四五五
卷四六八	乾隆十九年七月上	一四四六五
卷四六九	乾隆十九年七月下	一四四七四
卷四七〇	乾隆十九年八月上	一四四八八
卷四七一	乾隆十九年八月下	一四四九八
卷四七二	乾隆十九年九月上	一四五〇九
卷四七三	乾隆十九年九月下	一四五二〇
卷四七四	乾隆十九年十月上	一四五三〇
卷四七五	乾隆十九年十月下	一四五四〇
卷四七六	乾隆十九年十一月上	一四五五五
卷四七七	乾隆十九年十一月下	一四五六四

卷四七八

乾隆十九年十二月上

一四五七九

卷四七九

乾隆十九年十二月下

一四五六八

大清高宗法天隆運至誠先覺體元立極敷文奮武孝慈神聖純皇帝實錄卷之三百八十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務黃旗滿洲副都統世襲騎都尉軍功加七級隨帶加一級尋常加二級軍功紀錄一次臣等謹

將纂修官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十一級隨帶加二級又加二級臣等謹將內大臣戶部尚書領侍衛內大臣副都統軍功紀錄五次尋常紀錄十四次臣等謹將經筵講官太子少保工部尚書紀錄六次臣等謹將纂修

纂修

乾隆十六年辛未春正月己亥朔

上詣

奉先殿行禮○詣

堂子行禮○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜宗室王公等宴○庚子

上詣

皇太后宮問安 諭朕奉

皇太后懿旨貴人巴林氏貴人陸氏俱晉封為

嬪欽此所有應行典禮該部察例具奏 又

諭朕奉

皇太后懿旨常在在林氏封為貴人欽此著傳諭

內務府知之 又諭朕巡行江浙問俗省方

廣沛恩膏聿昭慶典更念東南貢賦甲於他

省其歷年積欠錢糧雖屢准地方大吏所請

分別緩帶以紓民力而每年新舊並徵小民

終未免拮据朕宵旰勤勞如傷在抱茲當翠

華親蒞倍深軫切用普均霑之澤以慰望幸

之忱著將乾隆元年至乾隆十三年江蘇積

欠地丁二百二十八萬餘兩安徽積欠地丁

三十萬五千餘兩悉行蠲免俾官無誣誤民

鮮追呼共享昇平之福夫任土作貢歲有常

經自應年清年款江蘇積欠乃至二百二十

餘萬之多催科不力有司實不能辭其咎而

疲玩成習。豈民間風俗之澆漓。尚有未盡革歟。朕以初次南巡。故特加恩格外嗣後該地方官。務宜諄切勸諭。加意整頓。其在小民亦當消除舊習。勉効輸將。勿謂曠典可希冀。屢邀而惟正之供。任其逋負也。其浙江一省。雖額賦畧少於江蘇。而節年以來。並無積欠。豈犬牙相錯之地。不齊乃至是歟。此具見浙省官民敬事急公之義。而江蘇官民所宜懷慚而效法者也。朕甚嘉焉。著將本年應徵地丁錢糧。蠲免三十萬兩。以示鼓勵。各該督撫其仰體朕惠愛黎元之意。嚴飭所屬。實力奉行。使閭閻咸霑實惠。倘有不肖官吏。以完作欠。希圖侵蝕。察出即行糾參。從重治罪。並將此通行曉諭知之。○又諭朕上年巡行嵩洛間。俗省方清蹕所經。已疊沛恩膏。彰行慶施。惠之典。但念該撫鄂容安不能體朕保赤殷懷。有捐輸辦差之舉。而該省紳民踴躍急公。就瞻恐後。其歡欣鼓舞之誠。不惟無怨而益肫

至今猶為繫念。所宜再沛恩施者也。其河南省乾隆十四年以前積欠。帶徵緩徵錢糧。三十五萬餘兩。著再加恩。槩行蠲免。俾該省小民催科不擾。益宏樂利之休。該撫鄂容安務董率有司。實力查辦。使閭閻均霑實惠。該部遵諭速行。○又諭朕惠養黎元。哀矜庶獄。昨歲推恩中外。曠典特頒。已將五次。緩決罪犯查明減等發落。咸予自新。顧念比年以來。獲罪之犯。尚有羈禁圜扉者。其情罪重大之案。數經讞鞫施行。其餘緩決之人。案情自屬稍輕。而淹繫經時。爰書日積。朕心惻焉。自昔行慶施惠。載在孟春。欽恤之仁。宜加推廣。所有直省朝審秋審各犯。緩決至三次以上者。即著該部查明酌量案情。分別請旨減等發落。用宏肆赦之恩。以副協中之治。○諭軍機大臣等。朕前降旨。令準噶爾夷使於朕起鑾前到京。原欲俾奏事後。即速回巢。今據鄂昌等奏報。一次後並未再據奏報。看來夷使不但

十三日以前不能到京即朕起鑾後亦不能由陸路趕到若令急行轉致勞乏殊非朕憐恤外夷之意著寄信與鄂昌等差妥員迎往曉諭著伊等仍帶貨物緩行到京時將貨物留京辦理俟伊等來行在瞻仰朕後即回京料理起程既無急行之苦於事亦無遲誤此朕體恤夷使格外施恩至意著一併明白曉諭是日起

上以孟春享

太廟齋戒三日○辛丑諭軍機大臣等泗州知州陳慕楷揭報盱眙縣知縣莊經畬貪贗不職一案現在舒赫德黃廷桂會同詳悉查審但思知州微員敢於具揭直達部科者或因撫臣主張刪款意見齟齬若不即行揭出陳慕楷必且轉罹叅劾是以勢不容已激為此舉乃至今並未見衛哲治有叅奏該知州之摺究屬何因著傳諭舒赫德黃廷桂就本案實在緣由徹底訊明亦不得豫存成見有意

推求致失平允之道尋奏陳慕楷款揭莊經畬經司審明莊經畬並無大過倉庫亦無虧缺陳慕楷揭款多借事生波因所揭不遂恐自罹叅劾遂駕砌謂撫臣衛哲治主張刪款直揭部科至衛哲治未經叅奏緣江南府州習尚因循此案即將本州叅處恐各府州藉口無益官常且陳慕楷年壯可望出力又值大差委管船務莊經畬亦派往蘇州辦事因各飭記過再觀後效報聞○壬寅諭據黃廷

桂摺奏上下兩江去年被水成災最重之宿州靈璧虹縣五河宿遷邳州睢寧海州沐陽等處次重之鳳陽臨淮懷遠鳳臺壽州霍邱清河桃源安東等處三冬已普霑存濟而冬末春初賑期已畢青黃不接民力猶恐難支等語著再加恩將被災最重之州縣極貧加賑三個月次貧加賑兩個月次重之州縣無論極貧次貧俱加賑兩個月其貧生飢軍等隨所在地方一體賑給該督撫等董率有司

實力查辦務使災黎均霑實惠該部遵諭速行 癸卯享

太廟

上親詣行禮 詣

皇太后宮問安 遣官祭

太歲之神 諭嗣後每年年終王公等及歲之格格揀選額駙將在京舊家公侯伯之子弟一併揀選 諭軍機大臣等此次山海關贏餘銀兩已將一萬五千賞給高恒令將伊

父高斌未完銀一萬一千餘兩即於此內交完所餘銀兩雖伊兄高誠代伊接管但高恒現管鹽政養廉尚足敷用應令與高誠均分可即傳諭知之 又諭江蘇積欠錢糧朕已格外加恩槩與蠲免但該省賦額較之浙省所多無幾而浙江一無拖欠該省獨積至二百二十餘萬其壤地相錯民風亦相近彼則年清年款此則積欠累累豈非地方官辦理不善所致夫惟正之供豈可任其逋負從前

亦必因漸有拖延久而遂成積重之勢此次擴清之後若又聽其故智復行則頑戶將視為曠典可以常邀是蠲除之恩適以啟拖欠之端也大抵催徵之法醇頑在乎官吏官無玩愒之風吏無侵漏之弊民間斷不能任意抗延惟使知正賦必應全完無可拖延之事則相習既久即視為分所當然浙省其明驗也若稍有通融則竟若有例可循愈久愈深不惟國課有虧而民力轉多拮据亦受積欠之累是惟在立法之善可以屏除舊習而乘機振作正在此時可傳諭黃廷桂令其會同王師永寧將向來一切催徵舞弊之處加意釐剔盡行禁革務須立定章程使有司恪守規則不得稍有未清致滋復欠之弊則每年完納無虧閭閻亦永無新舊並徵之擾於國計民生均有裨益其悉心辦理毋忽 又諭河南通省積欠緩徵帶徵各項已降旨全行蠲免此項原因該地方偶有水旱偏災加恩

寬恤之項非頑戶抗欠可比中州風俗醇樸向無積欠此次加恩既將緩帶之款全數蠲除恐愚民無知轉以拖欠為可倖邀贖典則淳風或漸致澆漓亦不可不為慮及可傳諭鄂容安令其加意查辦務使年清年款不得任其拖欠以保至善之舊俗又諭晉省捐輸存庫一項已於查明勘不成災及被水偏災州縣折賑等項動撥過一萬二千餘兩今又據布政使朱一蜚奏請於十三州縣額徵

地丁內各蠲免十分之一六萬四千餘兩已足示嘉惠伊等桑梓之意况該處連歲豐收無需辦理所有存貯餘銀著交明新任撫藩令其奏明請旨至該紳士劉東等業邀議敘其戶下應蠲僅四百餘兩為數無多無庸予蠲著傳諭朱一蜚知之調湖廣提督齊大勇為固原提督以署固原提督哈攀龍署湖廣提督甲辰

上幸豐澤園大幄次賜蒙古王貝勒額駙台吉

等宴軍機大臣等議奏據兩廣總督陳大受奏稱粵東各營買馬向有節省價銀皆留充公用有實係公費不敷藉此支應者有將一切雜用於此開銷者且有視為餘存軍裝用度俱從優裕者應據實核減馬一匹減價三兩每年減二千七百六十三兩將公糧不敷營酌加數名每年計一千二百二十六兩有奇餘存司庫充餉至向來報價不實各員弁姑念相沿日久且在部定價內請旨免追應如所請惟廣西應否一體酌減並附近之福建等省營馬價有無節省令各該督撫一併查辦得旨原辦著免查追餘依議乙巳

世祖章皇帝忌辰遣官祭

孝陵

上至靜安莊

孝賢皇后梓宮前奠酒臨奠定安親王詣

雍和宮行禮臨和敬公主第丙午

上奉

皇太后幸重華宮侍宴○諭甘省節年民欠未完銀二十三萬七千餘兩未完糧一百萬四千餘石往往舊欠未及清償正額又成積欠每年徒有催徵之名而無輸將之實經朕傳諭該督撫令其詳悉查辦今據尹繼善鄂昌摺奏此內所有查出胥役侵蝕之項現在照例治罪勒追至民間積欠為數實屬繁多與其新舊並徵有名無實不若量請停緩設法清釐等語朕念甘肅邊土苦寒民力拮据自非腹地可比但逋欠日積陳陳相因伊於何底著加恩將該省積欠自乾隆十一年至十四年未完銀糧分作五年帶徵如有現准部文帶徵者仍照原限辦理其乾隆元年至十年舊欠銀糧槩與豁免該省士民倍應感朕格外之恩急公輸納該地方官亦須實力整頓使年清年款不得任其仍蹈故習希冀殊恩可以屢邀也 又諭曰湖北巡撫即著嚴瑞龍署理嚴瑞龍在布政使中歷任已久前

因安徽巡撫缺出朕已向軍機大臣等降旨令嚴瑞龍署理旋憶伊前此來京陛見時觀其人不過循謹奉職非出色之員且向日張廷玉曾在朕前屢次保薦恐伊未必即能勝任是以改用定長今觀唐綏祖貪婪敗檢該督永興令其密查皆能據實查明揭報永興來京後嚴瑞龍復具摺續奏且稱伊業經奏請陞見但該督既已前來伊若同時來京則唐綏祖為所欲為吏治將不可問是嚴瑞龍能以地方公事為重頗知大體甚屬可嘉若謂嚴瑞龍叅劾巡撫即用伊為巡撫此則不然唐綏祖之劣蹟永興已為先發其款據俱一一明確嚴瑞龍之秉公據實自可膺封疆之寄設令挾私傾陷則必不能逃朕洞鑒也若謂其為張廷玉所薦則張廷玉罪由自取至其所薦之人朕豈盡皆不用耶朕之辦理政務一出於大公至正全無成心即此可見並將此宣諭中外諸臣共勵亮工之誼自邀

鑒用之恩其所遺布政使員缺著朱一蜚調補廣東布政使員缺著石柱補授諭軍機大臣等嚴瑞龍署理湖北巡撫朕已明降諭旨宣布中外阿里衮新蒞楚任現與共事惟當一秉虛公不必因其曾劾巡撫稍存意見朕用伊為巡撫本不因其叅劾巡撫也朕之大公至正阿里衮自所深知至督撫同事一方稍有成意於地方公事甚為無益將此傳諭知之○丁未

上詣

大高殿

壽皇殿行禮○詣

皇太后宮問安是日立春順天府進土牛春山寶座○以湖南布政使張若震西安布政使周人驥對調○戊申諭八旗另記檔案之人屢經稽查朕皆加恩定以仍留本任停其陞轉等例原以除該管旗員勒索並伊等徼倖鑽營之弊今查出之鑲黃旗蒙古另記檔

案之主事巴達克圖等員部議革職朕思八旗似此自行檢舉後或陞任或補用人數不少若不徹底清查只將現在查出者治罪未經查出者倖免固屬不合若盡查革致失生計朕心深為不忍著傳諭八旗滿洲蒙古漢軍令其將各旗另記檔案之人查奏造冊咨送吏戶兵三部此內現任文武官員俱著加恩免其革職各留本任其停止陞轉及伊等子孫不准考試為官仍准挑前鋒護軍馬甲之處俱著遵照原定之例行現議叅革之蒙古鑲黃旗主事巴達克圖等員即著照此辦理如另記檔案之文武官員內實有奮勉出色者著該處聲明請旨此朕法外之恩若仍不據實聲明妄思徼倖該管大臣含糊保薦者發覺一併從重治罪斷不寬貸安西提督永常等奏準噶爾入貢使臣額爾欽尼嗎已至哈密所帶人畜過多援定例責拒現俱愧懼認罪遵受節制之弱牲隻懇照上屆之

數挑變。刺者趕回不敢例外干求並下次不以為例得旨永常所奏自屬辦理正道從來夷人貪利見小乃其常技我國家全盛之時施恩字小與前代和我陋習迥殊駕馭遠人理應詞嚴義正方為得體前此夷使多帶貨物每藉口於未諳定制是以格外求寬今尼瑪自上次入貢已與申明約束現在復來充使更不得以未奉成約為詞宜及此時辦定成規以塞無厭之請所有酌令按數變價及餘數駁回之處著即照摺內所請據理妥辦不必因意在柔遠過存遷就之見致啟干請之漸也尋陝甘總督尹繼善奏報上次辦理貿易夷目所帶皮張等項作價十八萬六千餘兩兌給內地紬緞茶線等項作價十六萬七千餘兩外給現銀一萬八千餘兩並將酌定嗣後交易議單呈覽諭軍機大臣等尹繼善所奏準噶爾交易一事朕從前以為銀數太多未免繁費不可不為樽節蓋我大清國

勢強盛許遠夷互市者不過寓綏懷之畧而已其權操之自我非前代和親邊市可比即示之裁制亦屬當然今詳覽尹繼善所奏彼此原不過以貨物相準所費銀亦有限即令彼需受微利感悅而去亦足見天朝字小之恩若照該督所定議單之數未免過於裁減如以為出自官商所定彼固未必遵信奉行即重以奏聞請旨彼亦必具奏懇求多費唇舌再或堅執成議令彼失所利賴設或鋌而走險攘竊邊儲牛馬以激我興師其能置之不問已乎偏師一出較之交易之費何啻什倍是交易雖有小費所全實多朕意該督所定實屬過嚴難行若定以此番交易為大局令其不出範圍或尚屬可行俟彼使到日朕自酌量降旨傳諭再行傳諭該督又朕觀準噶爾每次熬茶費至一二十萬金似亦非仗此交易以濟其用即尹繼善所奏亦未必如朕向所諭從國勢遠大起見或慮及該省一

時難於售變耳。若然則何妨奏明折價以供賞恤。何惜此數萬皮張羊馬以安邊圉耶。是日起

上以祈穀於

上帝。齋戒三日。○已酉諭此次南巡在京吏部事務著大學士來保暫行兼管。○又諭據直隸總督方觀承奏稱土默特貝子哈木噶巴牙斯呼郎圖不按原議年限驅逐種地民人及故縱屬人勒索科派各情節著貝勒羅卜藏侍郎劉綸侍讀學士麒麟保馳驛前往逐一查明具奏。其理藩院議奏該旗貝子勒取山租禁止採取柴炭一摺著即一併查辦。事竣之日羅卜藏即回該旗員外郎岱通現在任滿來京有應行詢問之處並著該侍郎等帶往詢問。○又諭曰兩淮鹽政吉慶數年以來辦理事務頗知黽勉著賞給奉宸院卿銜以示獎勵。庚戌

上詣

南郊齋宮齋宿。○戶部議准原任湖廣總督永興奏稱蘆洲地畝濱臨江湖坍漲靡常定例五年遴選道員督州縣大丈一次但未定丈竣限期往往逾年始經題報無論應升應豁賠漏不均即業戶久稽亦妨民事請嗣後屆期令州縣於十月水涸後確查歲內冊報委道開印日督同履丈限四月內丈竣移司於六月內彙題違限分別叅處再查坍沒地畝印官竟有從未履丈即據報請豁委道亦祇按冊抽查恐有坍少豁多之弊應責令州縣官清查入冊仍前草率委道查叅扶同一併議處從之。○辛亥祈穀於

上帝

上親詣行禮。○奉

皇太后南巡車駕發京師。○詣

皇太后行宮問安。賜扈從王公大臣並直隸大小官員等食。○諭軍機大臣等朕此次巡幸江浙聞士民父老念切近光其闌闌通衢

人烟輻輳之所。瞻仰者既足慰望幸之忱。而朕亦得因以見閭閻風俗之盛。誠恐地方有司。因慮道路擁擠。或致先期攔阻。用是特行申諭。如經過村巷。果屬湫隘難容。自應量為曉諭。令其散處路傍。毋致喧擾。若道途寬廣。清蹕所經。無虞擁塞。不得舉行禁止。以阻黎庶瞻就之誠。著即傳諭各督撫知之。又諭朕從前將已故額魯特王色卜騰旺布之子朋楚克車凌旺布之子丹拜等。俱加恩授為扎薩克貝子。公銜扎薩克台吉。各於游牧地方為生。恐伊等未曾練達。不能約束屬下。故差公達什林沁駐彼照應。今達什林沁在彼三年有餘。想伊等已皆曉事。達什林沁著回原處。是日駐蹕黃新莊行宮。壬子。

上詣

皇太后行幄問安。是日駐蹕涿州北大營。

癸丑。

上以上元節詣

皇太后行幄進宴。賜扈從王公大臣並直隸大小官員等宴。諭朕南巡江浙經過畿輔。雖一應供頓俱令動支公項。而安營除道未免有需民力。朕心深為軫念。著將直屬所過州縣本年應徵額賦蠲免十分之三。交該督方觀承確查妥辦。務俾小民得需實惠。又諭直隸州縣內上年間有被災之處。當諭該督方觀承照例加意撫恤。復經降旨。將十二月內應止賑各戶。加恩展賑一月。貧民雖不致失所。但今東作方興。被災貧民未免仍屬拮据。朕巡行畿甸。軫念維殷。著再加恩。將七八分災之極貧。九十分災之極次貧。各加賑兩個月。六分災之極貧。七八分災之次貧。各加賑一個月。令該督方觀承轉飭各屬。俾得均霑實惠。以資力作。該部遵諭速行。又諭直屬上年偏災州縣。現在降旨加賑。有需用米石之處。著將河南本年運通粟米截留十萬石。交總督方觀承酌量辦理。該部遵諭速

行。○順天府行鄉飲酒禮。○是日駐蹕五里屯大營。

大清高宗法天隆運至誠先覺體元立極敷文奮武孝慈神聖純皇帝實錄卷之三百八十

大清高宗法天隆運至誠先覺體元立極敷文奮武孝慈神聖純皇帝實錄卷之三百八十一

監修總纂官經筵講官太子太傅文淵閣大學士又滿洲閣學士內侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣履桂

繼職官經筵講官太子太傅文華殿大學士又滿洲閣學士稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣重誥內大臣戶部尚書張龍瑞滿洲副都統軍功紀錄五次

尋常紀錄十四次臣德璉經筵講官太子少保工部尚書紀錄六次臣曹振鏞等奉

敕修

乾隆十六年辛未正月甲寅

實錄卷之三

上詣

皇太后行宮問安。○是日駐蹕趙北口行宮。

乙卯

上詣

皇太后行幄問安。○是日駐蹕關張鋪大營。

丙辰駐蹕太平莊大營。○丁巳駐蹕紅杏園

行宮。○戊午

上詣

皇太后行幄問安。○諭軍機大臣等據總督方